


Promotivni i edukativni video materijali IPP FBiH

26.12.2024 21:24



U skladu s Planom nabave i Planom rada na uspostavi, održavanju i razvoju Infrastrukture prostornih podataka Federacije Bosne i Hercegovine (IPP FBiH) za 2024. godinu, Federalna uprava za geodetske i imovinsko-pravne poslove realizirala je javnu nabavu za usluge prezentacije i promocije učinaka i važnosti IPP FBiH.

Glavni cilj ove aktivnosti bio je izraditi promotivne i edukativno-informativne materijale koji približavaju IPP FBiH krajnjim korisnicima. Fokus je stavljen na povećanje razumijevanja funkcionalnosti i značaja IPP-a, bilo da je riječ o građanima ili subjektima koji koriste aplikacije IPP FBiH za unos i razmjenu prostornih podataka.

U okviru ove inicijative izrađen je jedan promotivni video i četiri edukativna video zapisa, koji detaljno obrađuju unos podataka u registre, katalog metapodataka, proces dijeljenja prostornih podataka, te harmonizaciju prostornih podataka u skladu s INSPIRE direktivom. Dodatno, kreirano je pet kratkih video zapisa u Reels formatu, koji na kreativan i zanimljiv način komuniciraju ključne aspekte IPP FBiH.

Svi video materijali dostupni su na internetskoj stranici i YouTube kanalu IPP FBiH, gdje će služiti kao vrijedan resurs za edukaciju i promociju na budućim događajima.

Posjetite naš [YouTube](#) kanal i pogledajte video zapise kako biste saznali više o značaju i prednostima IPP FBiH!